

Noch emene Johr Pause bin I wieder do  
und lo es paar obligati Sprüchli lo go  
ich ha einiges z'verzelle, liebe Chlaus  
au wenn das Jahr isch glofe wie ne Graus

Endi Februar bin i gsi im Hallestadion  
d'Ellie Goulding het präsentiert ihri heisse Song  
de Schmutzli wäri vermutli ziemli gschocket  
denn die sexy Lady hät gewaltig grocket

I dem Johr het wieder dominiert de Sport  
dank Fussball-EM, Olympiade und so fort  
ha deswege übercho fasch viereckige Auge  
denn I ha müesse alles ine Suge

Bim Schifahre isch eini gsi bsunders Gut  
de Name vo dere junge Dame heisst ja Gut  
si het gonne de Gsamtweltcup ganz souverän  
ich gebes zue ich bi vo ihre scho no Fän

A de Fuessball-EM hämm mer fast brilliert  
de Zauberzweg het es Supergoal zelebriert  
leider händ mer en Penalty verschosse  
und wege dene cheibe Pole sind mer gsi dosse

In Rio hets für euses Land ghä einige Sternstunde  
was mer het kostet etliche Nachtstunde  
schliesslich ischs gange um viel Edelmetall  
und zwar in vielne Sportstadie überall

Bsonders gfreut het mi de Cancellara  
wie es Herrgöttli isch er Velo gfara  
er het sämtliche Gegner gege d'Uhr lo sto  
das wird in Zukunft leider nöme vorcho

Defür het Giulia z'Brasilie gschriebe Gschicht  
erstmals Edelmetall im Turne isch es Gedicht  
und wäri s'Bodeturne au no besser glunge  
wär nomal d'Schwizer Fahne worde gschwunge

De Nino Schurter het realisiert sin grosse Traum  
und isch zum Glück nid gfahre in en härte Baum  
au d'Nicola Spirig het wider gholt en Medallie  
ned zletscht dank ihrer perfekt trainierte Tallie

die Vorbilder händ mi natürli total motiviert  
und i han in Tschechie en Länderkampf absolviert  
ha chönne starte im Hoch- und Drüsprung  
das isch viel weniger gförli wiene Sitesprung

Samichlaus, du denksch jetz, wa verzällt de do  
denn bim Sport muess niemer d'Hose abelo  
do gib ich dir selbverständli vollkomme Recht  
doch de Darbellay het zeigt sich als grosse Hecht

er het nume einisch gha uneheliche Verkehr  
und do isch passiert das grosse Malheur  
dorum gilt halt bi de Disziplin Sitesprung  
wenn's muess si im Minimum en Gummi drum

My name is Donald Trump

I am more or fewer a little lump

I want to have good sex with pretty women

after all I am a rich boy and can buy these women

I am now the new president from the U.S.A.

and so for me that is a really an essay

therefore I am very very happy

and I am feeling young like a baby

Jetzt wird ich wider dütsch und dütlich

denn was vo dene Amis chont isch gförlich

wie du chömet's verkleidet deher

gmein't sind die Horrorclowns mit Gwehr

Doch im Nahen Osten isch's no verreckter  
denn de IS wüetet det immer verrückter  
gege die Brutalität mömmer öpis mache  
soscht hend mer bald nüt me zum lache

Mir wättet läbe innere friedliche Welt  
und eus net fürchte vor so viel Gewalt  
do muess I dir ja nüd neuss verzähle  
trotzdem lömmer eus de Spass ned vergelle

Kürzli han ich i de Ziitig öppis müess läse  
da chönnt's eim aber fascht sicher verbäse  
die Industrieroboter 4.0 düend eusi Jobs überneh  
und döfür düend's döfür am Staat Stüre gäh

Samichlaus, ich chomme do nümme drus  
wenn das stimmt, wird eusi Zukunft en grus  
was passiert mit em Heer vo de Arbeitslose  
dünd die dene Roboter i de freie Zii is Hösli blöse

Weisch, was han i kürzli im Fernseh gseh zufällig  
do gäb's ultramoderni Fraue wo sind ganz willig  
gmeint sind hutwarmi Sexpuppe nid ganz billig  
wo ersetzt eim d'Frau ziemlich wahrschinlig

Samichlaus, möchte isch du au so eini ha  
si werdet schins agfertiget in Japan und Südkorea  
die erfüllet der praktisch jede Wunsch  
und das widerstandslos bis du chunsch

Nochher muesch si wider gründlich putze  
und scho chasch si wider ufs neui benutze  
ich würdi grad no en Ersatzpuppe chaufe  
zum ufs neui bruche für en extra Schlaufe

Schmutzli, do göcht au bi der d'Post ab  
und würd dich halte ganz schön of trab  
und s'Gummisusi Ruoff müsst kei Filiale schlüsse  
denn die Sexpuppe chönnt schins au no küsse

jetz muess i no rede über das heisse Klima  
mir händ bald Temperature wie in Lima  
die Erwärmig isch nid unbedingt so prima  
sondern macht eus träg wie es Lama

Obwohl i jetz wär langsam so richtig im Schuss  
muess i langsam cho zum ene Schluss  
demit au anderi no chönd ihr Sprüchli säge  
wo hoffentli au no düend es bitzeli fäge

D'Atmosphäre im TV Wohle isch immer de Hit  
denn de Sport git eus schliessli de nötig Kit  
und bringt eus wieder gwaltig in Schwung  
mit andere Wort, do herrscht Superstimmung

Jetzt isch definitiv Schluss mit Sprüchlichlopfe  
susch duesch mer de no mis Mul ustopfe  
und denn chönnt i nie me öpis säge  
defür würdsch du nömme so oft verläge

Max Hüsser

